

# ORDENANZA FISCAL XERAL

DISPOSICIÓN COMÚN  
A TODAS AS ORDENANZAS  
FISCAIS



## Principios Xerais

### Artigo 1. Obxecto e integración

1. A presente Ordenanza fiscal xeral ten por obxecto establecer os principios básicos e as normas comúns a todos os tributos que constitúen o réxime fiscal do Excmo. Concello de Ferrol.

2. As normas desta ordenanza consideraranse parte integrante das respectivas Ordenanzas Fiscais, en todo o que non esea especialmente regulado nesta, e na forma e medida en que resulten aplicables a cada Ordenanza Fiscal en particular.

3. Igualmente serán aplicables por analogía en materia de prezos públicos cando as normas reguladoras deste tipo de ingresos non contemplan un suposto concreto.

### Artigo 2. Ámbito de aplicación

Esta Ordenanza fiscal xeral obrigará:

- a) Ámbito territorial: en todo o territorio do Concello de Ferrol.
- b) Ámbito temporal: desde a súa entrada en vigor ata a súa derogación

### Artigo 3. Interpretación das ordenanzas fiscais

1. Non se admitirá a analogía para estender máis alá dos seus termos estrictos o ámbito do feito imponible ou o das exencións ou bonificacións.

## Normas de xestión

### CAPÍTULO I

#### Normas comúns

### Artigo 4. Principios xerais

1. A xestión dos tributos comprende todas as actuacións necesarias para a determinación da deuda tributaria así como as actuacións necesarias dirixidas ó seu cobro.

2. Todo acto de xestión de calquera ingreso público será dirixido polo alcalde. Será polo tanto competencia do alcalde dictar todo acto administrativo en materia de xestión de ingresos de derecho público, coa única excepción de aqueles casos nos que de forma expresa unha norma asigne a dita competencia a outro órgano.

3. O alcalde poderá dictar, previo informe da Intervención, instrucións e circulares necesarias para o desenvolvemento da xestión tributaria.

4. Todo acto de xestión desenvolverase con subxección á Lei xeral tributaria, texto refundido da Lei reguladora das facendas locais e a normas de desenvolvemento de ambos textos normativos.

#### **Artigo 5. Presunción de legalidade**

Os actos de determinación das bases e débedas tributarias gozan de presunción de legalidade que só poderá destruírse mediante revisión, revogación ou anulación practicadas de oficio a virtude dos recursos pertinentes.

#### **Artigo 6. Réxime de actos presuntos**

1. Terá carácter desestimatorio o silencio nos procedementos de recoñecemento e aplicación de exención, bonificación ou calquera beneficio fiscal.

#### **Artigo 7. Declaración tributaria**

1. Considérase declaración tributaria todo documento polo que se manifesta ou recoñeza que se deron as circunstancias ou elementos dun feito dispoñible.

2. A declaración deberá presentarse dentro dos prazos determinados en cada ordenanza particular e, en xeral, dentro do prazo dos trinta días hábiles seguintes a aquel en que se produza o feito imponible. A non presentación dentro do prazo será considerada como infracción tributaria e sancionada como tal segundo as regras contidas nesta ordenanza e na Lei xeral tributaria e disposicións complementaria.

3. Na declaración deberán constar os datos necesarios para a determinación da débeda, de acordo co establecido ó respecto nas ordenanzas particulares. En todo caso os suxeitos pasivos ou obrigados tributarios deberán consignar o seu número de identificación fiscal nelas e en calquera outra comunicación ou escrito de trascendencia tributaria a presentar perante a Administración provincial.

4. Esta Administración poderá facilitar os correspondentes impresos de declaración que en cada caso sexan necesarios. Ademais poderase obter declaración e ampliación desta, así como a emenda dos defectos advertidos en canto fosen necesarios para a liquidación do tributo e a súa comprobación.

5. Esta Administración comprobará, nos termos que se recollen na normativa aplicable todos os elementos e valoracións consignados nas

declaracións tributarias.

#### **Artigo 8. Censos de contribuíntes**

1. Poderán ser obxecto de padrón ou matrícula os tributos e demais ingresos de dereito público, nos que pola súa natureza se produza continuidade do feito imponible, así como aqueles para os que non determine expresamente a súa ordenanza fiscal particular e, polo tanto, dean orixe a unhas liquidacións que se devengan con periodicidade preestablecida e se cobran así mesmo periodicamente mediante recibo.

2. Os ditos padróns ou matrículas terán a consideración de rexistro permanente e público de tal forma que unha vez constituído, tódalas altas, baixas e modificacións a el deberán ser aprobadas envirtude de resolución a Presidencia e notificadas formalmente ós suxeitos pasivos, con excepción daqueles supostos que deriven da lei, da presente ordenanza xeral e da propia ordenanza fiscal particular.

3. Os contribuíntes están obrigados, nos termos que se prevexan na normativa reguladora de cada tributo, a poñer en coñecemento desta Administración toda modificación que poida orixinar alta, baixa ou alteración do padrón. En defecto de regulación expresa en cada caso, o prazo para comunicar as ditas alteracións será de 30 días.

4. En toda taxa xestionada polo sistema de censo, e salvo que a ordenanza específica determine o contrario, o período impositivo corresponde co ano natural, salvo nos supostos de inicio ou cesamento da utilización privativa, o aproveitamento especial ou o uso do servizo ou actividade, nese caso o período impositivo axustarase a esa circunstancia co conseguinte rateo, o que se efectuará por trimestres naturais.

5. En todo caso, calquera cambio de titularidade nos conceptos suxeitos a xestión censal, posterior ó devengo terá efectos liquidatorios para o exercicio seguinte.

#### **Artigo 9.**

Calquera solicitude relativa á aplicación de beneficios fiscais, si é presentada con posterioridade á data do devengo do tributo surtirá efectos no exercicio seguinte.

## CAPÍTULO II

### Normas especiais en materia de xestión nos distintos tributos

#### Artigo 10.

1. O padrón fiscal do Imposto sobre bens inmobles formarase en base ó padrón catastral remitido pola Dirección Xeral do Catastro.

2. As alteracións de orde física, económica ou xurídica que se produzan nos bens gravados así como os cambios de natureza e aproveitamento que de acordo co planeamento urbanísitoc, experimenten aqueles, terán efectividade no período impositivo seguinte a aquel en que tivesen lugar, senque a dita eficacia quede supeditada á notificación dos actos administrativos correspondentes.

#### Artigo 11.

O padrón fiscal do Imposto de actividades económicas aprobarase en base á matrícula de contribuíntes remitida pola Delegación de Facenda.

#### Artigo 12.

1. O padrón fiscal do Imposto sobre vehículos de tracción mecánica formarase con base á información de altas, baixas, transferencias e calquera outro dato con transcendencia tributaria aportada pola Xefatura provincial de tráfico da Coruña.

2. A efectos liquidatorios deste imposto os cuadrí-ciclos tributarán como turismos, de acordo coa súa potencia fiscal, excepto que a cilindrada do seu motor sexa inferior ou igual a 50 centímetros cúbicos no caso de motores de explosión, ou que a súa potencia máxima neta sexa inferior ou igual a 4 KW para os demais tipos de motores, e neste caso considerárase, para os efectos deste imposto, como ciclomotores.

3. As máquinas autopropulsadas que poden circular polas vías públicas senser transportadas ou arrastradas por outros vehículos de tracción mecánica, tributarán polas tarifas correspondentes ós tractores.

#### Artigo 13.

Practicarase a liquidación por ingreso directo cando tenga lugar, por primeira vez, os feitos ou actos que poidan dar lugar á obriga tributaria

## CAPÍTULO III

### Recadación

#### Artigo 14. Disposición xeral

1. A xestión recadadora consiste no exercicio da función administrativa conducente á realización dos créditos e dereitos que constitúen o haber desta Corporación.

2. O procedemento de cobramento será exclusivamente administrativo e constará de dous períodos: voluntario e executivo; axustándose o seu procedemento ó disposto no Regulamento xeral de Recadación aprobado por Real decreto 1684/90, de 20 de nadaL

3. No período voluntario, os obrigados ó pagamento farán efectivas as súas débedas dentro dos prazos sinalados para o efecto.

En período executivo, a recadación hase realizar coercitivamente por vía de constrinximento sobre o patrimonio do obrigado que non cumprise a obrigación ó seu cargo nos períodos sinalados no parágrafo anterior.

#### Artigo 15. Recadación directa

O cobramento dos diversos tributos hase levar a cabo polo ingreso directo ou por medio de recibo:

- a) Levarase a cabo o cobramento por ingreso directo daqueles tributos que non teñan un carácter regular e periódico e, dende logo, aqueles en que a liquidación se practica en expediente ou documentos individuais. Tamén se utilizará este sistema recadador cando se leva a cabo por medio de selos ou timbres.
- b) Hase realizar o cobramento por medio de recibo talonario das cotas que se liquiden que teñan un vencemento periódico e respondan a exaccións con base impositiva fixa para as cales se formen matrículas e padróns.

#### Artigo 16. Clasificación de débedas tributarlas

As débedas tributarias resultantes de liquidacións practicadas pola Administración municipal, hanse clasificar para efecto da súa recadación en:

- A) Notificadas:
  - a) Nelas é indispensable o requisito de notificación para que o suxeito pasivo teña coñecemento da débeda tributaria. A Administración podería esixirlles ós suxeitos

pasivos que declaren o seu domicilio tributario. Cando un suxeito pasivo cambie de domicilio deberá poñelo en coñecemento da Administración mediante declaración expresa para efecto, sen que o cambio de domicilio produza efecto fronte á Administración ata que se presente a citada declaración tributaria. A Administración poderá rectificar o domicilio tributario dos suxeitos pasivos mediante a comprobación pertinente.

**B) Sen notificación individual:**

Nos tributos de cobramento periódico por recibo, unha vez notificada a liquidación correspondente á alta no respectivo rexistro, padrón ou matrícula, poderán notificarse colectivamente as sucesivas liquidacións mediante edictos que así o advirtan.

**C) Autoliquidadas:**

Son aquelas nas que o suxeito pasivo, por medio de efectos timbrados ou a través de declaracións - liquidacións procede ó pagamento simultáneo da débeda tributaria.

### Artigo 17. Prazos de pagamento

**A) Tempo de pagamento en período voluntario:**

1. As débedas tributarias resultantes de liquidacións practicadas pola Administración deberán pagarse:

- a) As notificadas entre os días un e quince de cada mes, dende a data de notificación ata o día cinco do mes seguinte ou o inmediato hábil posterior.
- b) As notificadas entre os días dezaseis e o último de cada mes dende a data de notificación ata o día vinte do mes seguinte ou o inmediato hábil posterior.

2. As débedas tributarias que deban satisfacer mediante efectos timbrados hanse pagar no momento da realización do feito imponible.

3. As débedas liquidadas polo propio suxeito deberán satisfacerse nas datas ou prazos que sinalen as normas reguladoras de cada ordenanza.

4. As débedas tributarias que se recaden mediante recibo terán como prazo de ingreso en período voluntario o que fixe a Corporación, mediante anuncio publicado no Boletín Oficial da Provincia e diarios locais.

**B) Prazos e recarga de prórroga:**

Os obrigados ó pagamento das débedas a que se refiren os puntos 2 e 3 do apartado A) anterior, que non as pagasen nos prazos sinalados neles, poderán sen embargo, pagalas por vía de constrinximento dende a finalización dos prazos do ingreso en voluntaria ata a data do seu ingreso.

**C) Vía de constrinximento:**

As débedas non satisfeitas en período voluntario faranse efectivas en vía de constrinximento, agás o previsto no apartado B), deste artigo.

O procedemento de prema iníciase cando vencidos os prazos sinalados na letra A) anterior, non fose satisfeita a débeda ou cando no suposto previsto no parágrafo anterior do apartado B), se expide en consecuencia, o título que leva aparelhada execución.

### Artigo 18. Cobramento de exaccións por medio de recibo

Para o cobramento de exaccións por medio de recibo, seguiranse as normas seguintes:

1. Unha vez formuladas as matrículas ou padróns, someteranse á aprobación do presidente e expoñeranse ó público por termo de quince días, admitíndose durante este prazo as reclamacións que se formulen contra estes documentos, as cales serán sometidas, debidamente informadas, a resolución do alcalde.

2. Despois de aprobadas as matrículas e os padróns, só serán modificadas, agás caso de resolución executiva do Tribunal competente que determine a anulación, rebaixa ou aumento das cotas líquidas, por consecuencia de altas e baixas previamente aprobadas polo alcalde.

3. Aprobados os documentos cobratorios, expedirá os correspondentes recibos ó servizo de extensión mecánica adscrito a Proceso de Datos, os cales se ingresarán na Depositaria municipal acompañados das listas cobradoras con aplicación á conta de "Valores Auxiliares e Independentes do Orzamento".

4. A medida que os recibos deban ser postos ó cobramento sairán da Depositaria por medio do respectivo mandamento con aplicación á mesma rúbrica de Valores Independentes e Auxiliares do Orzamento" e seranlle entregados ó recadador con quince días de antelación, cando menos, ó de apertura do período voluntario de cobramento.

5. O cobramento voluntario por valores en recibo

terá lugar en recibo único e anual.

6. Decretado o procedemento de prema seguiranse os trámites establecidos para el no Regulamento xeral de recadación e a instrucción xeral de recadación e contabilidade.

#### **Artigo 19. Aprazamento e/ou fraccionamento**

Poderá concederse o pagamento aprazado e/ou fraccionado das cotas líquidas a petición do obrigado o pagamento, nas condicións que legal ou regulamentariamente estean vixentes no momento da petición e da concesión do aprazamento e/ou do racionamento, de acordo no disposto na vixente Lei Xeral Tributaria.

### **CAPÍTULO IV**

#### **Revisión e recursos**

##### **Artigo 20. Revisión**

1. Agás os casos de suspensión de acordos por nulidade de pleno dereito previstos na Lei de réxime local, as autoridades e corporacións locais non poderán revogar os seus propios actos ou acordos delatorios de dereitos subxectivos ou que servisen de base a unha resolución xudicial, sen declaralos previamente lesivos ou impugnables en vía contencioso-administrativa conforme á lei desta xurisdicción.

2. Non serán en ningún caso revisables os actos administrativos confirmados por sentenza xudicial firme.

##### **Artigo 21. Rectificación de oficio**

A Administración municipal rectificará de oficio ou a instancia do interesado, en calquera momento, os erros materiais ou de feito e aritméticos e por duplicidade de pagamento, sempre que non trancorrisen cinco anos dende que se dictou o acto ou se realizou o ingreso.

##### **Artigo 22. Devolucións**

Os suxeitos pasivos e os seus herdeiros teñen dereito á devolución dos ingresos que indebidamente realizasen, con ocasión do pagamento das súas débedas tributarias.

### **CAPITULO V**

#### **Partidas / fallidas**

1 . As cotas lexitimamente impostas de acordo coas Ordenanzas que non puideran facerse efectivas polo procedemento de prema, declararanse fallidas en calquera dos casos seguintes:

- a) Cando procedan de contribuíntes para os cales non puido iniciarse ou houbo de suspenderse o procedemento por se descoñecer o seu enderezo.
- b) Cando procedan de contribuíntes que despois de seguido o procedemento resulten insolventes.

#### **NORMAS COMPLEMENTARIAS**

En todo o non especificamente previsto nesta ordenanza atenderase ó disposto:

- a) Na lexislación xeral tributaria do Estado e a reguladora das facendas locais, das que será supletoria a Lei xeral orzamentaria.
- b) Nas leis da xunta de Galicia no marco de conformidade coa lexislación a que se refire o apartado anterior.

#### **DISPOSICION FINAL**

A redacción da presente ordenanza fiscal entrará en vigor o día da súa publicación no Boletín Oficial da Provincia (BOP), e comezará a aplicarse a partir do día 1 de xaneiro do 2007 e permanecerá en vigor ata a súa modificación ou derogación expresa.

#### **ANEXO A ORDENANZA XERAL FISCAL**

Clasificación das rúas, avenidas e etc. a efectos fiscais:

PRIMEIRA.- Estarán incluídas nesta categoría todas as vías e prazas comprendidas na zona 1 e 2 do artigo 3 da Ordenanza fiscal reguladora do Imposto de actividades económicas.

SEGUNDA.- Estarán incluídas nesta categoría todas as vías e prazas comprendidas na zona 3 do artigo 3 da Ordenanza fiscal reguladora do Imposto de actividades económicas.

TERCEIRA.- .- Estarán incluídas nesta categoría todas as vías e prazas comprendidas na zona 4 do artigo 3 da Ordenanza fiscal reguladora do Imposto de actividades económicas.